

OFFERYNNAU STATUDOL CYMRU

**2022 No. 188**

**Rheoliadau Cyd-bwyllgorau Corfforedig  
(Swyddogaethau Trafnidiaeth) (Addasiadau  
Canlyniadol a Darpariaethau Trosiannol) (Cymru) 2022**

**Darpariaeth drosiannol**

4.—(1) Mae'r rheoliad hwn yn gymwys pan fo'r swyddogaeth o ddatblygu polisïau o dan adran 108(1)(a) a (2A)(a) o Ran 2 o Ddeddf 2000 mewn cysylltiad ag ardal awdurdod trafniadaeth lleol wedi ei rhoi i gyd-bwyllgor corfforedig.

(2) Mae unrhyw bolisïau a ddatblygir gan gyngor cyfansoddol o dan adran 108(1)(a) o Ddeddf 2000 i'w trin fel pe baent yn bolisïau wedi eu datblygu gan y cyd-bwyllgor corfforedig o dan adran 108(1) addasedig o Ddeddf 2000 mewn cysylltiad â'r rhan honno o ardal y cyd-bwyllgor corfforedig sydd wedi ei chyfansoddi o ardal y cyngor cyfansoddol.

(3) Mae paragraff (2) yn peidio â bod yn gymwys pan fo'r cyd-bwyllgor corfforedig yn datblygu polisïau mewn cysylltiad â'r rhan honno o'i ardal o dan adran 108(1) addasedig o Ddeddf 2000.

(4) Mae unrhyw bolisïau a ddatblygir gan gyngor cyfansoddol o dan adran 108(2A) o Ddeddf 2000 i'w trin fel pe baent yn bolisïau wedi eu datblygu gan y cyd-bwyllgor corfforedig o dan adran 108(2A) addasedig mewn cysylltiad â'r rhan honno o ardal y cyd-bwyllgor corfforedig sydd wedi ei chyfansoddi o ardal y cyngor cyfansoddol.

(5) Mae paragraff (4) yn peidio â bod yn gymwys pan fo'r cyd-bwyllgor corfforedig yn datblygu polisïau mewn cysylltiad â'r rhan honno o'i ardal o dan adran 108(2A) addasedig.

(6) Mae cynllun trafniadaeth lleol a gyflwynir gan gyngor cyfansoddol ac a gymeradwyir gan Weinidogion Cymru o dan adran 109A o Ddeddf 2000 i'w drin fel pe bai'n gynllun trafniadaeth rhanbarthol wedi ei gyflwyno gan gyd-bwyllgor corfforedig a'i gymeradwyo gan Weinidogion Cymru o dan adran 109A addasedig mewn cysylltiad â'r rhan honno o ardal y cyd-bwyllgor corfforedig sydd wedi ei chyfansoddi o ardal y cyngor cyfansoddol.

(7) Mae paragraff (6) yn peidio â bod yn gymwys pan fo Gweinidogion Cymru yn cymeradwyo cynllun trafniadaeth rhanbarthol y cyd-bwyllgor corfforedig o dan adran 109A addasedig.